



RAZBIJEN MEĐUNARODNI LANAC KRIJUMČARA NARKOTIKA IZ BiH U HRVATSKU

**U akciji oduzeto
19.433 grama
heroina, 1.778
grama amfetamina,
oko 1.000 grama
marijuane,
28 grama ekstazija
i četiri grama
kokaina te oko
milion kuna za koje
se pretpostavlja
da potiču od
preprodaje droge**

Ljiljan RADIĆ

Ljiljanar@nezavisne.com

RJEKA - Hrvatska policija, u saradnji sa kolegama iz regiona, na istarskom području prekinula je međunarodni lanac krijumčara heroina i amfetamina iz Bosne i Hercegovine te je hapšenjem 11 osoba i oduzimanjem više od 20 kilograma droge dovršila višemjesečnu istragu.

Zaplijenjena droga na ilegalnom narko-tržištu dostiže cijenu višu od 500.000 KM, a aktivnosti su sprovedene protiv osoba koje su osumnjičene za međunarodno krijumčarenje velike količine teške droge, pranje novca i ulaganje u kupovinu vikendica i nekretnina u BiH i regionu.

DROGA KRIJUMČARENA
PREKO GRANIČNIH
PRELAZA IZMEĐU BiH I
HRVATSKE U TERETNIM I
PRIVATnim VOZILIMA

Policjski službenici prveli su 11 osoba u pritvorsku jedinicu Policijske uprave istarske, dok je jedna osoba u bijegu i kriminalističko istraživanje nastavlja se u



NOVCEM OD DROGE

kupovali vikendice i nekretnine u BiH i regionu



saradnji sa pripadnicima SIPA u BiH.
Prema nadovima iz Tužilaštva BiH, ove aktivnosti su sprovedene protiv osoba koje su osumnjičene za međunarodno krijumčarenje velike količine heroina i amfetamina iz BiH prema Hrvatskoj i dalje prema zemljama EU.

Osumnjičeni je uhapšen 3. oktobra, na području Hrvatske, gdje je zadokumentovano počinjenje kriminalnog djela, a na području BiH izvršen je pretres lica blisko povezanog s osumnjičenim.

Prema informacijama hrvatske policije, u akciji je ukupno oduzeto 19.433 grama heroina,

1.778 grama amfetamina, oko 1.000 grama marijuane, 28 grama ekstazija i četiri grama kokaina te oko milion kuna za koje se pretpostavlja da potiču od preprodaje droge.

Operativna akcija "Crot" započela je u novembru prošle godine, kada je hrvatska policija na sastanku sa Državnom agencijom za istrage i zaštitu u BiH (SIPA) zaprimila početna saznanja kako određene osobe krijumčare iz BiH drogu za ilegalno narko-tržište Istre i Dalmacije.

Kriminalističkim istraživa-

njem obuhvaćeno je 12 osoba, od kojih devet hrvatskih državljana starosti od 39 do 45 godina i troje državljana BiH starih 26, 40 i 50 godina, a policija ih sumnjiči za neovaštenu proizvodnju i promet droge.

Utvrđeno je da su osumnjičeni od decembra 2020. godine do 14. oktobra 2021. godine nabavljali veće količine heroina i amfetamina u BiH radi kontinuirane neovaštenе proizvodnje i prometa droge na području Hrvatske, s ciljem sticanja koristi.

"Krijumčarenje droge obavljava-

lo se preko graničnih prelaza između Bosne i Hercegovine i Hrvatske, u teretnim i privatnim vozilima, a krijumčari su ulazili u Hrvatsku koristeći fiktivna pozivna pisma za poslovne sastanke ili su navodili tranzit kao razlog ulaska u Hrvatsku", naveo su iz hrvatske policije.

Prema informacijama hrvatske policije, u koordinisanoj akciji na području Splita i Istre sproveđeno je 30 dokaznih radnih predresa osoba, kuća, garaža i poslovnih prostora, u kojima su pronađeni predmeti kriminalnog djela, odnosno droga, novčana sredstva i drugi predmeti te su prikupljane informacije važne za utvrđivanje ovih i drugih kriminalnih djela te otkrivanje izvršilaca.

"Ono što je bio fokus istarske policije je da kroz uličnu redukciju obuhvatimo više krajnjih kupaca koji bi nas doveli do sre- dnih i viših preprodavača droge s područja Istre pa smo tako obuhvatili više osoba, od kojih su neke već procesuirane, dok se nad drugima još provodi kriminalističko istraživanje", rekap je načelnik Službe za borbu protiv organizovanog kriminaliteti Dijana Hajdarević.

Pojasnio je kako je policija ovom akcijom presjedala distribuciju droge do većih istarskih gradova, odnosno da Pule, Labina, Poreča i Rovinja.

Akcija je rezultat dugotrajne istrage Tužilaštva BiH i partnerskih institucija i agencija Hrvatske i Njemačke s ciljem razbijanja lanca krijumčara velike količine teške droge.